



COMUNE DE PÀDRIA

ÒRGANOS ISTITUTZIONALES
UFÌTZIU DE SU SÌNDIGU
Ordinàntzia N. 16 de su 11/11/2022

Ogetu: MESURAS URGENTES PRO SA MINIMADURA DE SOS CONSUMOS ENERGÈTICOS.

SU SÌNDIGU

PREMÌTIDU chi:

- Subra de totu su territòriu natzionale s'est registrende, dae carchi mese, una crèschida manna de sas tarifas energèticas e de su gas a càusa, pro su prus, de sa crisi internatzionale chi b'est;
- sa crèschida mentovada, a manera inevitabile, est pesende in totu sos bilàntzios de sas atividades produtivas e cummertziales e subra de sos bilàntzios de sos entes locales;
- pro su chi pertocat su Comune de Pàdria, s'annotat una crèschida de sas ispesas pro sos consumos energèticos chi non si podet prus sustènnere;

CONSIDERADU chi pro salvaguardare s'echilibriu econòmicu-finanziàriu e pro garantire sos servìtzios essenziali finas a como frunidos est netzessàriu adotare mesuras urgentes de minimadura de sos consumos energèticos

VALUTADU chi su Comune at tra sos obietivos suos un'àtera programmatzione, sa progetatzione e sa realizatzione de interbentos noos de megioru de s'eficatzidade energètica de sos impiantios e de sos edifitzios comunali;

RITÈNNIDU oportunu pònnere in atu atziones organizzativas, informativas e de controllu finalizadas a sa minimadura de sos consumos de enèrgia elètrica e gas pro riscaldamentu in sos immòbiles comunali siat in impitu a su personale dipendente siat cuntzessos in impitu a àteros e gente de fora pro finalidades istituzionales.

BIDOS :

- s'art.50 de su D.Lgs.267/2000 e m.i.i. “ Testu ùnicu de sas leges subra de s'ordinamentu de sos entes locales”;
- su DPR 74/2013 “ Regulamentu chi giughet sa definitzione de sos critèrios generales in matèria de esertzìtziu, condutzione, controllu, manutentzione e ispetzione de sos impiantios tèrmicos pro sa climatizzazione in ierru e in istiu;

- s'art.19 su de bator de sa L.n.34 de su 27/04/2022, de mudadura de su DL n. 17 de su 01/03/2022 “ Dispositziones in matèria de minimadura de sos consumos tèrmicos de sos edifitzios chi apostivigat chi pro minimare su consumu tèrmicu de sos edifitzios e otènnere luego unu rispàrmiumu energèticu a s'annu, dae su 1 de maju de su 2022 a su 31 de martzu de su 2023, sa mèdia valutada de sas temperarduras de s'ària, mesurada in onni ambiente de onni unidade immobiliare pro sa climatizatzione de ierru e de istiu de sos edifitzios pùblicos, a fora de sos edifitzios de sos cales a s'art. 3, c.4, de su Regulamentu de su cale a su DPR n.74 de su 16/04/2013, non devet èssere superiore, in ierru a 19° C, prus 2°C de aguantu, nen prus pagu, in istiu, a 27°C de aguantu”;
- su D.Lgs 81/08 e m.i.i;

bidu custu, premitidu e cunsideradu totu subra

ÒRDINAT

Cun decurrèntzia immediata :

1) **pro sa gestione de s'illuminatzione pùblica, a fora de sas situatziones de seguresa:**

- de atzare sa minimadura de su nùmeru de sas lampadinas atzesas (1 atzesa e 1 istudada);
- de garantire s'illuminatzione prena a curtzu a totu sas ingrugaduras de su tzentru abitadu, in sas intradas de su tzentru abitadu (dae Putumajore, dae Mara e dae Montresta), in sas domos de sas pessones anziana chi istant a sa sola, in sas intradas de sas iscolas, de sa ludoteca, de sa biblioteca, de sa potecaria, de s'ambulatòriu de su dutore);

2) **in sos immòbiles pùblicos de proprietade comunale:**

- de limitare sa temperatura massima in ierru a 19°C (cun 2°C de aguantu);

3) **in sos ufitzios comunales:**

- de limitare s'atzesa de sos impiantios de riscaldamentu dae sas 7:30 a sas 13:00 in sas dies de martis, gioja e chenàbura;

- de limitare s'atzesa de su riscaldamentu dae sas 7:30 a sas 17:00 in sas dies de lunis e mèrcuris;
- de proibire s'impitu de sas pompas de calore in sos locales giai iscardidos cun s'impiantu tzentralizadu

4) In su tzentru de agregatzione sotziale:

- de limitare s'istudadura de sas pompas de calore a mesora in antis de sa serrada de su matessi;

5) In sos immòbiles iscolàsticos de proprietade comunale:

- de limitare sa temperadura màssima in ierru a 19°C (cun 2° C de aguantu);
- de limitare s'atzesa de sos impiantios de riscaldamentu a sas oras de letzione, ammaniende s'istudadura de sos impiantios mesora in antis de su tèrmine de sas atividades didàticas;

6) In sos puntos isport: palestra, piscina e campu de càlcium e campu de càlcium a 5:

- de limitare s'oràriu de atzesa e de istudadura de sas turre faru de de illuminatzione de su retàngulu de giògu a sa durada efetiva de s'allenamentu (pro es. in su retàngulu de giògu s'atzedent a s'intrada in su campu de sos atletas e s'istudent luego cando sessat sa setziada de allenamentu)).
- De non lassare atzesos, in su matessi tempus, sos faros de su campu de càlcium a 5 e sos faros de su campu de càlcium a 11.

AVERTET E DISPONET chi

- Custu atu at a pòdere èssere revocadu si si nde verificat s'oportunidade;
- contra a custu provedimentu at a pòdere èssere presentadu recursu a su Tribunale Amministrativu Regionale cumpetente in sas maneras e in sos tèrmines prevìdidos dae sa Lege n. 1034 de su 06.12.1971 o a su Presidente de sa Repùblica in sos tèrmines e in sa manera apostivados dae su D.P.R: n.1199 de su 24.11.1971(a manera respetiva 60 e 120 dies dae sa data de notìfica);
- est fatu òbligu a chie si siat de l'osservare e de la fàghere osservare pro evitare sas santziones

prevìdidas dae sa lege;

- sas violatziones a cantu prevìdidu dae custa ordinàntzia, in ue non costituant reatu e non siant santzionadas a manera ispetzìfica dae leges, decretos o regulamentos, siant punidas cunforma a sos printzìpios cuntènnidos in s'art.11 e art.16 de sa lege 689/81 e mm.ii.ii e cunforma a s'art.7 bis de su D.Lgs/2000 e mm.ii.ii;
- custu provedimentu siat publicadu pro 15 dies sighidas a s'Albu Pretòriu online;

Custa Ordinàntzia est notificada :

- a s'Istitutu Cumprensivu iscolàsticu de appartenèntzia;
- a sa Prefetura de Tàtari
- a totu sos ufitzios comunales
- a sas Sotziedades, cooperativas, Assòtzios chi òperant a intro de sas istruturas e edifitzios de proprietade comunale;

Est publicada in s'albu pretòriu cunforma a sos tèrmines apostivigados dae sa legislazione in vigèntzia:

SU SÌNDIGU

Dut. Alessandro Mura

Cunforma a s'art.3 su de bator commas, sa Lege 7 de austu de su 1990 n.241 contra a custu provedimentu est ammitidu, intro su tèrmine de 60 dies dae sa notìfica recursu a su Tribunale Amministrativu Regione Sardegna o, puru, recursu istraordinàriu a su Presidente de sa Repùblica, de propònnere intro de 120 dies dae sa data de notificatzione.